

Tiv Thaiv Koj Tus Kheej, Tiv Thaiv Koj Lub Zej Zos



**Cov Kev Nyab Xeeb rau Kev Muab Cov Khoom Ntse
Hau Tsev Pov Tseg**

TSIS TXHOB

- Muab cov koob thiab cov koob chob ntsuas ntshav (lancets) pov rau hauv lub thoob seem txeej (trash)
- Muab cov koob thiab cov koob chob ntsuas ntshav (lancets) tso rau hauv lub thoob ntim khoom koj mus nchuav dua tshiab (recycling containers)
- Nqa cov koob thiab cov koob chob ntsuas ntshav (lancets) mus rau ntawm qhov chaw khaws tshuaj
- Yaug cov koob thiab cov koob chob ntsuas ntshav (lancets) rau hauv lub qhov txhoj khawv (toilet)

MUAB

- Cov koob thiab koob chob ntsuas ntshav (lancets) ntim kom nyab xeeb
- Cov koob thiab cov koob chob ntsuas ntshav pov tseg uas siv ib txoj kev pov tseg nyob rau sab nraum qab ntawm daim ntawv no

Cov kev phom sij ntawm cov khoom ntse hau uas siv tas lawm yog dab tsi?



Cov koob thiab cov koob chob ntsuas ntshav (lancets) uas siv tas lawm yuav chob tau cov neeg ua hauj lwm uas muab cov khoom qias pov tseg thaum muab cov ntawd pov tseg hauv lub thoob seem txeej los yog thoob rau cov khoom rov qab koj mus nchuav dua tshiab, nqa mus rau ntawm qhov chaw khaws tshuaj, los yog yaug hauv lub qhov txhoj khawv (toilet). Cov me nyuam yaus, cov laus thiab cov tsiaj yug hauv tsev thiab tej zaum yuav raug mob los ntawm qhov koob chob

thaum uas tsis muab cov koob pov tseg kom yog tom tsev los yog hauv cov chaw pej xeem siv.

Tus neeg ua hauj lwm uas koob chob raug huam yuaj yuav tsum tau mus soj ntsuam mob uas kim thiab txhawj txog qhov tias tsam tau kab mob xws li Kab Mob Siab thiab HIV. Tiam sis, yuav tiv thaiv tau cov kev raug mob los ntawm koob chob kom tsis txhob phom sij rau txoj kev noj qab haus huv. Muab cov koob ntse hau ntim thiab pov tseg kom nyab xeeb kom thiaj li tsis raug koj thiab lwm tus neeg.

Kev ntim cov koob thiab cov koob chob ntsuas ntshav (lancets) kom nyab xeeb:



Rov muab lub hau los khwb rau koj rab koob uas tsis siv lawm los yog nias cov hau koob rau. Txawm tias cov neeg ua hauj lwm hauv tsev kho mob thiab lwm cov chaw kho mob muab hau khwb tsis tau lwm tus neeg cov koob los, koj muab hau rov khwb tau rau koj li. Cov neeg uas lawv txhaj tshuaj rau lawv tus kheej mas tsis muaj kev pheej hmoo dab tsi los ntawm lawv rab koob.



Muab cov khoom ntse hau tso rau ib lub thoob uas khov, tho qhov tsis tau uas muaj ib lub hau kaw rau kom khov. Cov thoob uas siv tau muaj xws li cov thoob rau koob uas koj yuav tau los yog cov thoob hnyav uas ntim cov tshuaj ntshav khaub ncaws los yog cov thoob ntim tshuaj dawb uas muaj lub hau khwb. Cov thoob uas siv tsis tau muaj xws li cov kaus poom ntim khas fes, cov thoob ntim mis nyuj, cov hnab yas, cov kaus poom ntim dej qab zib los yog cov thoob ntim dej qab zib. Lus Cim: Tsis txhob tov tshuaj dawb rau hauv lub thoob. Cov tshuaj dawb tej zaum yuav tua tsis tas cov kab mob ntawm cov koob, thiab nws yuav nchuav tau thiab ua rau koj los yog cov neeg xyuas cov khoom qias ntawd raug mob.



Lo ntawv rau cov thoob ntim khoom ntse hau uas siv cov lus xws li "bio-hazard," "khoom qias uas kis tau" los yog "cov khoom ntse hau." Nws tseem yog ib lub tswv yim zoo los lo ntawv rau cov taub ntim tshuaj ntshav khaub ncaws los yog cov tshuaj dawb uas siv cov lus xws li "tsis txhob rov muab koj mus ua dua tshiab" kom thiaj li tsis cia li muab pov tseg tau rau hauv cov khoom rov koj mus ua dua tshiab.

Thaum lub thoob puv lawm, muab lo kom khov rau, tso rau ib qho chaw kom me nyuam ncav tsis tau thiab muab pov tseg kom nyab xeeb



uas siv ib txoj kev li cov nyob rau nplooj sab nraud. Coj lub thoob mus rau ntawm qhov chaw tau rau npe khaws cov khoom ntse hau los yog nrhiav lwm txoj kev los muab pov tseg yog hais tias tsis muaj ib qhov chaw nyob hauv cheeb tsam koj nyob. TSIS TXHOB muab lub thoob tso nrog cov khoom qias los yog cov khoom rov muab koj mus nchuav ua dua tshiab, thiab tsis txhob nqa mus rau ntawm qhov chaw khaws cov tshuaj tshwj tsis yog tias qhov chaw ntawd yog ib qho chaw khaws cov khoom ntse hau thiab.

Siv ib txoj kev muab pov tseg uas nyab xeeb no:

POV TSEG



Nqa lub thoob mus rau ntawm qhov chaw khaws cov khoom ntse hau uas tau rau npe cia. DNR ceev ib daim ntawv uas muaj cov chaw khaws cov khoom ntse hau rau hauv lawv lub website. Yog xav nrhiav daim ntawv online, mus rau ntawm dnr.wi.gov thiab tshawb nrhiav "healthcare waste."

Nug koj tus kws kho mob, chaw kho mob los yog lub tsev kho mob hauv zos seb koj nqa puas tau cov khoom ntse hau mus pov tseg ntawm lawv qhov chaw. Muaj ntau qhov chaw kho mob txais cov khoom ntse hau tiam sis tsis tas yuav tau rau npe nrog DNR thiab li no tej zaum yuav tsis muaj nyob hauv daim ntawv uas muaj cov chaw khaws cov khoom ntse hau uas rau npe ntawd.

Hu rau koj lub chaw nqa tshuaj hauv zos, chaw muab kev pab pej xeeb txoj kev noj qab haus huv, chaw xyuas txog khoom qias, los yog chaw xyuas txog cov kev **kom paub ntxiv txog cov kev muab khoom pov tseg hauv zos.**

Siv qhov kev pab cuam xa cov khoom ntse hau rov qab, uas koj yuav nrhiav tau hauv internet. Lub tuam txhab yuav muab cov thoob thiab cov hnab ntim uas muaj raws li Teb Chaws Mis Kas cov cai hais txog kev xa khoom.

Sau koj cov kev muab pov tseg hauv zos rau ntawm no:

Txoj cai hauv Wisconsin hais txog txoj kev muab cov khoom ntse hau uas siv rau kev kho mob pov tseg kom yog.

Yuav tau muab cov kab mob ntwam cov khoom ntse hau tua kom tas ua ntej muab pov tseg hauv chaw muab khoom qias pov tseg. Cov kev tua kab mob uas tau kev pom zoo yog muab pov tseg ntwam ib qho chaw tau ntawv tso cai los muab cov khoom kho mob qias pov tseg los yog lwm txoj kev los muab cov koob uas tsis muaj kab mob, lov, thiab rov siv tsis tau lawm pov tseg. Kev kom yuav tsum tau muab cov khoom ntse hau uas siv rau kev kho mob sib cais, txawm cov siv lawm los yog tsis tau siv, mas tau kom yuav tsum tau ua hauv Wisconsin txij thaum 1994 los. Lwm cov khoom qias uas tau muaj tom tsev mas yuav muab ntim tau rau hauv hnab thiab tso rau sab nraud nrog cov khoom seem txeej.



Yog xav paub ntxiv txog kev tswj cov koob kho mob, mus rau ntwam dnr.wi.gov thiab tshawb nrhiav **“healthcare waste.”**



Wisconsin Lub Caj Meem Fai Saib Xyuas Nroj Tsuag Xyoob Ntoo
Waste and Materials Management Program
PO Box 7921
Madison, WI 53707

Yog xav paub ntxiv txog kev tswj cov khoom ntse hau uas siv rau kev kho mob, nug tau rau DNRWasteMaterials@Wisconsin.gov los yog 608-266-2111.

Wisconsin Lub Caj Meem Fai Saib Xyuas Nroj Tsuag Xyoob Ntoo muab kev vaj huam sib luag hauv kev ua hauj lwm, cov kev pab cuam, cov kev pab, thiab cov kev khiav dej num raws li hauv Affirmative Action Plan. Yog tias koj muaj lus nug, thov sau ntwav mus rau Equal Opportunity Office, Department of Interior, Washington, D.C. 20240.

Phau ntawv no muaj ua lwm yam ntawv yog thov txog. Thov hu rau 608-266-2111 yog xav paub ntxiv.